

治美野也 二音 蹂踐蹂踐也 二音 心凝下魚陵反 完具上
 也分擘 下補 反 路音路 門音門 激列下直 阿吟 祭下仁
 反 官 網鞞 下 莫 曳尾 反 映激 列下直 阿吟 祭下仁
 蔓延 作上音 下 萬 下 羊 不 斷 之 貞 楷 顯 支 同 怡 前 二 闍 吏
 上 音 昏 下 力 置 不 羊 不 斷 之 貞 楷 顯 支 同 怡 前 二 闍 吏
 下 音 昏 下 力 置 不 羊 不 斷 之 貞 楷 顯 支 同 怡 前 二 闍 吏
 末 反 鄴 外 反 上 郊 也 噎 於 結 隙 反 逆 七 擊 鼓

佛說衆許摩訶帝經卷第十三 給十

西吳譯經三藏朝散大夫試鴻臚少卿明教諭法賢奉 譯

尔時淨飯王說是語已心有所思忽然淚下

復說伽陀問世尊曰

往昔住宮中 多人同衛護 山野中怖畏

一身云何住

乙 幸文桂

世尊答曰

聖者十種住 我悉已安處 牢繫今解脫

非住人王宮

王曰

象牀金寶飾 昔為汝所寢 山野唯草木

云何得安眠

答曰

解脫之卧具 菩提分莊嚴 眠睡甚適悅

無一切熱惱

王曰

象馬及輦輿 昔出入所乘 一切棘刺地

今云何可行

答曰

我有神足車 精勤乘往復 雖行一切地

不礙煩惱刺

王曰

迦釋迦妙衣 嚴身昔自在 今袈裟麤衣

云何忍被服

答曰

僧伽梨麤衣 牟尼山中服 著已善相生

見者皆深悅

王曰

今寶器中食 恒食最上味 今自持應器

所食知云何

答曰

等引法味最
愍世故行化

食之得出離

已斷世間愛

王曰

乳糖水甘美
清濁知云何

飲之昔無厭

今所飲冷熱

答曰

王貴盛之水
如我無愛樂

世間人爭飲

飲匕或增染

王曰

寶殿及樓閣
云何得無怖

昔者隨心住

今獨處山林

答曰

已斷煩惱本
隨處得安住

諸怖畏不生

極微我亦無

王曰

清淨妙香水
誰浴牟尼王

昔時恒沐浴

今獨山野中

答曰

戒香漬法水
無量聖所說

有德人恒浴

潔身到彼岸

王曰

昔妙香塗身
雖彼非相稱

及著迦釋衣

恒處內宮殿

答曰

戒香最芬馥
離寶衣嚴飾

用塗身莊嚴

我今非愚迷

王曰

何處得輕慢
今問願當說

何處可怖畏

無事及有事

答曰

老病死三法
無事應愛樂

可怖勿輕慢

當求適悅憶

尔時淨飯王聞是說已歡喜無量讚言善生
釋族於世八法而皆不染復以頭面禮如來
足又復思惟我得利我子乃證如是功德

給十

二

桂

給十

三

桂

王與眷屬奉送世尊入你也合二誡魯默林精舍

尔時世尊既至精舍登法座已王及大臣乃至士庶圍繞瞻仰虚空諸天歡喜讚歎佛觀會衆各各心意及與根性如實知已廣為解說四聖諦法時白淨飯王及釋衆等七十七

千人皆證須陀洹果世尊又觀何處緣熟彼梵現林時可說法佛與大衆悉詣彼處無量人衆相隨聽法世尊廣說四諦行相彼斛飯王迨於釋衆乃至人天有七十六千人又證須陀洹果世尊復詣嚕咄迦林亦有無量天人釋衆眷屬人民士庶隨佛聽法世尊同

前廣演四諦甘露飯王及釋衆等乃至人天有七十五千人證須陀洹果餘有證斯陀含果者有證阿那含果者有證阿羅漢果者有發聲聞菩提心者有發辟支菩提心者有發無上菩提心者亦有出家斷諸煩惱後證阿羅漢果者乃至有發三歸心者時提婆達多

既見世尊現於神變及說妙法自無所證乃生妬心發不善言謂釋衆曰一切盲人樂斯幻化此幻化事一切能作有一釋衆名鉢羅摩拏野告提婆達多言汝勿於世尊大丈夫所發如是惡言提婆達多尋便默然時淨飯王起心思惟昔者天人阿脩羅為世間供養今佛出世真是世間恭敬供養有釋童子說偈讚佛曰

釋種大僊大丈夫 能降妙法甘露雨

救濟墮落黑闇者 開解脫門為引導

尔時淨飯王聞此童子說偈讚佛深心歡喜然於真實而未見諦唯云世尊是大丈夫具

大威德誰有聖子而同我耶世尊思惟父淨飯王不見真實乃為二事一者我心二者分別心若能離此可見真實佛觀大目度連於淨飯王而有宿因佛謂大目度連曰汝以方便化淨飯王令離我執於是大目度連即詣王處王見尊者心便歡喜尊者應時入三摩

給十

9

林

地隱於王前乃出東方虛空之中現行立坐
卧四威儀相又復身中放五色光猶如玻璃
互相映澈或身上出水身下出火或身上出
火身下出水如是種種現於神變東方若此
南西北方亦復如是作神變已沒於虛空如
彈指頃已在王前王曰佛弟子中更有如尊

者否持大目度連即說偈曰

世尊弟子大威德 三明六通皆自在

解脫三界阿羅漢 聲聞牟尼如我多

時淨飯王初謂世尊獨有是事心中常存我
執之相及大目度連現神變已乃知弟子亦
有斯證王之我心由此得滅於是世尊即以

方便作世間心云何得梵王帝釋及淨光天
來我為說法於意云何如來之心非聲聞菩
薩之所能知所以然者世間之心下至蟻子
尚今得知何況諸天於是帝釋告毗首羯磨
天子言汝化你也合二譏譽馱林作大法會其
中臺殿樓閣悉安師子之座咸以衆寶而為

嚴飾復開四門各以四寶莊鉸復令四天大
王而守護之時毗首羯磨天子承帝釋命變
大法會種種嚴飾如帝釋教仍令四王為守
門者作變化已白於世尊法會已成請佛往
彼是時世尊與自眷屬及梵王帝釋淨光天
等無數百千之衆還作也合二譏譽馱林佛既

給十

五

桂

到已入於寶殿昇師子座即說妙法時尊者
大目度連與淨飯王同詣佛所至法會門尊
者直入王即止住王曰何故障我對曰佛為
淨光天等說法凡人不得預會王曰汝何賢
聖居此守門對曰我是持國天王時王乃問
東門即亦南門可否對曰不知既至南門復
不得入王乃問言何故如是對曰佛為淨光
諸天說法凡人不得預會又問汝何賢聖居
此守門對曰我即增長天王故守南門王自
惟曰我去西門應恐得入既至於彼亦不得
入王又審問何故如是對復如前又問汝何
賢聖答曰我是廣目天王淨飯王長息歎曰

聖凡相隔雖近至遠既心切見佛更往北門
至彼同前止不令入王即厲聲謂守門者曰
賢聖勿是北方天王否對曰我即毗沙門也
時淨飯王聞此語已迨將悶絕又復思惟我
雖至親今則疎遠我親分別從此泯滅於是
世尊知無分別又察情極若不時見恐致無

常佛以神力變樓臺殿閣乃至垣牆悉成玻
瓈清淨映澈內外相觀無所障礙王得見佛
心極歡喜即便禮拜於一面坐

尔時世尊種種方便化其父王令無我心及
除分別即為廣說苦集滅道四聖諦法王得
聞已所有身見如二十山峯以金剛智破滅

無餘便證須陀洹果王思念曰我今所證非
天非仙非父非母亦非親愛一切眷屬之所
獲得當從如來慈孝所致又復思惟我於過
云輪迴生死骨聚如山血淚成海或復墮落
諸惡趣中今日乃入解脫門預於聖道又復
言云善哉世尊往昔修行無數苦行不顧身

命為利衆生我今更求殊勝天報佛即非念
王今云何求斯報也時淨飯王即從座起合
掌頂禮白世尊言今欲請佛及諸聖衆於宮
官中來晨受食唯願大慈咸垂降赴佛即默
然王知許已禮謝而歸纔至宮中詔白淨飯
王告而言曰我已證道不樂王位汝受灌頂

給十

六

桂

代我理國白淨飯王問何時證耶答曰適於
你也二誠嚕馱林聞法得證白淨飯王曰世
尊初到彼林我已得證王云代位我實不能
又詔斛飯王曰汝可灌頂代我理國對曰我
於梵現林中聞法證果所言代位誠不樂也
又謂甘露飯王曰汝受灌頂代我理國對曰

我於嚕四多迦林聞法證果今亦不樂與王
位也淨飯王曰若如是者當令何人守宗社
也諸王咸言釋族之中有賢德者可令守之
議事已畢

淨飯王曰速令所司辦造種種珍饌飲食令
極香美又勅潔淨內外除去葷穢於正殿上

當以清淨茵褥及上妙衣敷置如來及聖衆坐位復設香花及淨水瓶無使闕備既至來晨遣使白佛今食已辦請佛及衆同賜降臨尔時世尊與諸聖衆前後圍繞行詣王宮受食供養佛至宮門王與眷屬執爐焚香引世尊入佛昇座已諸聖衆等次第就坐時淨飯

王與諸眷屬禮拜問訊讚歎訖即親手奉上種種飲食而伸供養食畢澡漱供心圓滿時淨飯王即取金瓶灌世尊手白言奉施你也不誠嚕馱林精舍願佛隨意瓶水出時有五功德聲佛亦施願云以所施福王及釋族一切所求隨意獲得王及眷屬聞是語已歡喜

給十

七

踊躍禮佛而退佛及聖衆迴還精舍後於一日世尊復在王宮受食王之眷屬互相謂曰今世尊左右皆是耆年善相威儀誠堪仰重然侍奉世尊未爲允當可於釋族選其年少有賢善者便令出家侍佛左右貴得相稱時淨飯王勅下親族內外臣佐今一切義成捨

轉輪王位苦行修習爲大法王宜各選其賢子捨令出家侍從世尊以成其美時斛飯王有二子一名阿你嚕馱二名摩賀曩摩彼摩賀曩摩能理王務然貪財利阿你嚕馱常處宮中隨意受樂時斛飯王以勅旨宣下乃呼摩賀曩摩汝可出家以奉王命子曰我不出

家彼阿你嚕馱常在宮中受其快樂可令出家父言彼子福德汝勿指陳子曰此是父母愛憐所許若實有福當可試驗父曰當何試驗子曰常式送食今可空盤送之若其有福食自然出父即對面封以空盤令宮嬪送之誠曰若問何食但對種種在內時天帝釋觀知此事阿你嚕馱昔曾以食供辟支佛今日云何令其無食乃化種種珍美品饌滿彼空盤女使至彼阿你嚕馱問言何物宮嬪心瞋不依誠勅答言無物阿你嚕馱即思念曰父母云何送空盤耶乃開封視之異饌滿中人所罕見馨香馥馥園苑皆滿阿你嚕馱意亦

深怪問彼女言本有食耶本空盤耶女曰空盤遂却以此食奉上父母父母見食亦不驚怪又以此食示摩賀曩摩汝看此食是彼化出彼阿嚕馱人皆愛樂我言大福非汝等力汝初不信今已驗知摩賀曩摩白父母言彼既大福可令出家我今無福非出家者父母

即謂阿你嚕馱曰王今有勅汝出家否對曰出家有何利益在家有何過失父母言出家之人當證涅槃可受天上人間第一供養若人在家出家真實離欲亦得天上人間供養若是在家妄稱出家當感三惡道報對曰出家在家得利失利我已曉了今欲出家上副

給十

八

桂

王命父母告曰汝言大善時阿你嚕馱有一同年名曰賢王最相知見乃往彼處而相告白至賢王門方闢品琴又值絃斷五音不足阿你嚕馱擅琴之聲止立不進待其調品令人入報賢王請入謂阿你嚕馱曰汝來何時答曰琴絃初斷我已到門待其調品方令入

報賢王稱善執手請坐汝今何來對曰淨飯王有勅令釋族出家意欲眷屬侍佛左右以汝慕善故來相報賢王曰勅旨纔下尋亦便知汝既出家我亦同往汝可今夜宿於我舍阿你嚕馱隨言即止賢王令人爲敷卧處至夜眠睡無少安樂明晨相見賢王問言得安睡否報言不得安睡又問何故如是

對曰牀所鋪者病觸之衣是以令我不獲安寢賢王即喚所司侍人問其緣由自何而得對曰王初生時敷設餘長後因疾患曾已受用賢王歎曰善哉釋族生此異子又言我出家者提婆達多次當王位乃令左右呼提婆達多到已問言我等奉勅咸去出家未委汝今當何所作時提婆達多私自念曰若或我言不出家者即令賢王亦不出家便以誑言我亦出家時彼賢王速以公文奏淨飯王王乃下勅告示内外今賢王阿你嚕馱及提婆達多等釋種五百人出家咸可知悉勅出之

給十

九

章

後中外歡喜唯提婆達多獨自苦惱意云本作方便欲令賢王出家今或違言有妄語過使我將來不得王位於是剛忍隨眾出家時淨飯王欲令後代知族尊貴宣告內外凡是街衢迨及城隍一切嚴飾皆使殊勝布以淨土灑以香水復排幢幡傘蓋散花燒香以擬

賢王等五百釋種出家經過彼釋種等各各父母於衢路側及城門首敷設觀看亦命相師各相其子誰可出家誰當不可賢王先出相師稱歎此若出家必證聖道阿你嚕馱次行出城相師亦云得聖非父提婆達多出至城門頭上寶冠忽然墮地相師見已此惡業

人定入地獄又不善人名曰海壽纒到門際驢作惡聲相者知之此有口業曾謗聲聞當來果熟定墮惡趣烏波難陀次出乘象方至門首瓔珞墮地乃自下象親手收取相師言曰此鄙俗人當入地獄如是五百釋種各各出已相師皆見咸以善惡具告父母時釋眾

等出迦毗羅城復遊園苑次至佛處各各白佛云求出家世尊思惟今此釋眾雖求出家有志樂者有不樂者佛以四法度為苾芻時淨飯王有承事人名烏波梨善能剃髮王即遣與釋眾剃髮既至彼處不肯與剃乃作色煩惱又復悲泣賢王問言何以如是烏波梨

曰我奉一人非眾所使可寧捨命髮不能剃賢王諫曰勿作是言汝奉王命非眾可使此有善利請無煩惱賢王復以方便告釋眾曰汝等出家寶冠妙衣及莊嚴具今日已去咸無所用都置一處與烏波梨彼聞得者或可歡喜衣冠既集乃成大聚時烏波梨即與剃

髮及觀釋眾各各年少捨其富貴我今卑族何所恋耶宜可棄彼恩愛去離煩惱免其輪迴生滅之患於是擗頤再三忖度尊者舍利弗見而問曰汝何措頤似有不樂答言非是不樂有所思念具以情實告舍利弗舍利弗謂曰世尊度脫非問尊卑今正是時宜其猛

給十

十

章

利世尊預知專期根熟舍利弗將烏波梨來
 至佛前五體投地伸其禮敬白言世尊今烏
 波梨欲於正法出家願佛哀愍佛告烏波梨
 言汝得梵行世尊言訖鬚髮自落袈裟著身
 後七日中鬚髮再出威儀庠序如百臘苾芻
 自說伽陀曰

我今於如來 正法求出家 佛言得梵行
 鬚髮尋自落 袈裟亦著身 此即從善本

今日方成熟 故我爲苾芻
 亦時世尊告大衆言今出家者可依夏臘次
 第守其尊卑乃至未來禮不得闕於是烏波
 梨平視諸釋時彼賢王次第禮衆至烏波梨

前不肯禮拜來白世尊今烏波梨是承事人
 今我禮者是不順也佛言汝既出家當除我
 相彼是上臘宜伸禮敬賢王纔禮地六震動
 次提婆達多亦不肯禮又來白佛佛言出家
 之人當除我相彼是上臘宜可禮足於是諸
 釋無不禮者諸苾芻等各各心疑今賢王禮

拜地六震動有何因緣唯願世尊解諸疑網
 佛言過去世時北閻浮提波羅柰國有王統
 御名曰梵壽國界豐盛人民快樂時彼城中
 有一倡女名跋捺囉色相端嚴人所愛羨有
 一男子名孫耶囉摩拏躡迦往彼女處言意
 相慕女即報云備五百金錢可來相見是人
 給十 十一

貧匱莫副所言別以方便而親附之遂移居
 相隣時奉花果後因節序男女作樂嚴身戴
 花各銜其美時跋捺囉起思念曰孫那囉摩
 拏躡迦彼人若來共作喜樂須臾來至女即
 喜曰可取花來與汝作樂孫那囉摩拏躡迦
 此日有事心極煩惱通宵無睡及天將曉熟
 寐不覺衆人取花好者已盡乃得尸利沙花
 將與彼女彼女不悅即說偈言

戒不精進業 怠墮重睡眠 衆採好花去
 得尸利沙花

又復告言汝求別花時初秋月暑氣猶鬱乃
 再去尋花以至中午採花唱歌都不覺熱值

梵壽王入草詣林避熱忽聞歌唱令人尋求見已呼來乃謂之曰日光下照如火燒腦云何歌唱都無所苦即以伽陀對曰

我心迷故非日不照爲事有少故不知苦時王思惟此採花人能言乃留與語王曰我出值熱來此求涼汝可以言解我熱惱孫那

囉摩拏縛迦本有智慧所言稱旨乃說征伐之利投王心機王聞歎奇即忘熱惱宣問大臣有於刹帝利灌頂王所假身命難者最上之賜國有何典大臣對曰可與儲君即勅大臣冊居其位告報內外准式備儀禮赴春宮尊處儲貳凡曰受用無非珍寶寢卧之所茵

褥異常孫那囉摩拏縛迦私自惟曰儲君若此尊極可知便起貪心欲謀大寶纔發斯念便自覺知我或如斯堪云來報由是追悔寢不安處乃施麤席卧於地上至明旦已王即遣使觀其動止乃見孫那囉摩拏縛迦卧於地上速來白王此非儲君乃賤人尔王曰何

知具事上聞王曰此大智人非是賤士乃令詔來詢問其故王曰夜不寢牀卧於地者何意對曰貴非究竟所以不樂王曰汝意如何今欲出家王復言曰未知此事云何出家有

何功德答言於寂靜處苦節修行亦無聖師亦不求侶觀緣究理證獨覺菩提王即稱善

放令出家後證道果來至王前於虛空中現神變相王觀是事深生歸信五體投地以伸敬禮即說伽陀曰

善哉智慧人非惡業能繫求寂靜修行證獨覺菩提

說伽陀已又復言云若有諸摩拏縛迦出家求道我即隨喜時有近臣名殄誡波羅聞此偈已忻樂非常記憶在心誠其貪愛王因此後亦自勗勵乃踈宮至多樂寂靜殄誡波羅後接王喜遂求出家王既允許拜辭而出即詣深山逢苦行仙人便隨學道精勤策勵亦證五通徑來王前現其神變王乃問曰汝得

如是功德耶答曰我證王謂證聖便禮其足
頭纒至地即震動是時王母察此非真乃為
死誡波羅說伽陀曰

若根本出家 禮事於沙門 寂默及精進

苦行成緣覺 一切罪永滅 一切福業生

後於諸世間 廣利樂眾生

佛告諸苾芻昔梵壽王者今賢王是死誡波
羅者烏波梨是往昔禮拜地已震動今日致
禮與本無殊諸苾芻此過去現在種種之事
今為汝等再分別說汝等聞者宜其諦信時
諸苾芻聞此說已歡喜踊躍禮佛而退

十三末

佛說眾許摩訶帝經卷第十三 給十

漬浸在智反粉分伏二音大下字僊仙裝下音鉸

教混滅反檀上音琴上音忖上音度上音死下音誡上音

各街音自鬱反鬱於物反儲上音君上音除也死下音誡上音

反勗勵下音例六反